

Uunga siunnersuut:**Ilageeqarneq pillugu Inatsisartut Inatsisaata allanngortinnissaa pillugu Inatsisartut Inatsisaat**

(Palasinik, provst-nik, domprovstinillu atorfinitsitsisarnermi soraarsitsisarnermilu piginnaatitsissummik allannguneq, palaseqarfiup atuagarsuunik suliassanik agguasaarnermi inatsisitigut tunngavissamik atuutsitsilerneq kiisalu atorfiit pilersinneqartarnerat atorunnaarsinneqartarnerallu)

§ 1

Ilageeqarneq pillugu Inatsisartut inatsisaat nr. 9 19. maj 2010-meersoq, allanngortinneqartoq Inatsisartut inatsisaanni nr. 2 29. november 2013-meersumi aamma Inatsisartut inatsisaanni nr. 27 3. december 2018-meersumi allanngortinneqartumi, allannguutit makku ilanngunneqarput:

1. § 15, imm. 2, oqaasertalerneqassaaq imatut:

” *Imm. 2.* Palaseqarfimmi palasi ataasiinnaatillugu, taassuma palasip atuagarsuarnut allattuineq isumagissavaa.

2. Nutaatut § 15, imm. 4-tut uku ikkunneqassapput:

” *Imm. 4.* Palasip atuagarsuarnik allattuisup palaseqarfimmi suleqataasumut atorfeqartumut allamut, palaseqarfiup atuagarsuit suliassartaannik suliarinnissinnaassusilimmut tunniussinnaavaa.”

Imm. 4 tamatuma kingorna imm. 5-inngussaaq.

3. § 24 ima oqaasertalerneqassaaq:

” **§ 24.** Biskoppip palasinik, ajoqinik pattattunillu aamma palasip ikiortaanik ilinniartitseqqinnerit ingerlaqqillunilu ilinniartitsinerit isumagissassarai.

Imm. 2. Naalakkersuisut palasinik, ajoqinik pattattunillu aamma palasip ikiortaanik ilinniartitseqqinnerit ingerlaqqillunilu ilinniartitsinerit pillugit aalajangersakkanik aalajangersaasinnaapput. ”

4. § 26 b ima oqaasertalerneqassaaq:

” **§ 26 b.** § 26 a, imm. 1-imi piumasaqaataasunik naammassinnissimanngitsoq palasit atorfinitinneqarnissaa biskoppip immikkut ittumik akuersissutigisinnaavaa.”

5. § 26 d ima oqaasertalerneqassaaq:

” **§ 26 d.** Kinaluunniit Kalaallit Nunaanni ilagiinni palasitut atorfinitsinneqartoq biskoppimit soraarummeersinneqarsimassaaq, palasinngortitaasimassalluni, palasitut neriorsuummik atsiorsimassalluni aamma biskopip uppersaasigaanik palasitut sulisinnaannngortitaasimassalluni.”

6. § 26 f, imm. 2, ima oqaasertaqarpoq:

” *Imm. 2.* Ilagiit sinniisaasa oqaaseqaateqareernerisigut qinnuteqartup qinnuteqaatini tunuartippagu, nutaamik oqaaseqaasiorniarluni ataatsimiittoqassaaq. Qinnuteqartoq qinnuteqaamminik utertitsisoq siullermeerluni oqaaseqaasiorluni ataatsimiinnermi taaneqarsimanngippat, nutaamik oqaaseqaasiorluni ataatsimiittoqassanngilaq.”

7. § 26 f imm. 4 atorunnaarpoq.

8. § 26 g, imatut oqaasertalerneqarpoq:

” **§ 26 g.** Biskopip palasitut kina atorfinitsinneqassanersoq aalajangissavaa, tak. §§ 26 e aamma 26 f.”

9. § 26 h, imm. 2, ima oqaasertaqassaaq:

” **§ 26 h.** Qinnuteqartoq ilagiit sinniisaasa oqaaseqaataannut ilanngunneqarsimanngitsoq Biskoppip atorfinitsissinnaanngilaa. Qinnuteqartoq taasisitsinnermi siullermit taasisunit tamanit qinerneqarpat, taava taanna qinnuteqartoq atorfinitsinneqassaaq.

Imm. 2. Immikkut ittumik pissutissaqartoqarpat nutaamik inuttassarsiuisoqarnissaa Biskoppip aalajangersinnaavaa.”

10. § 26 k, imm. 2, ima oqaasertaqarpoq:

” *Imm. 2.* Ilagiit sinniisaasa oqaaseqaateqareernerisigut qinnuteqartup qinnuteqaatini tunuartippagu, nutaamik oqaaseqaasiorniarluni ataatsimiittoqassaaq. Qinnuteqartoq qinnuteqaamminik utertitsisoq siullermeerluni oqaaseqaasiorluni ataatsimiinnermi taaneqarsimanngippat, nutaamik oqaaseqaasiorluni ataatsimeeqqittoqassanngilaq.”

11. § 26 k imm. 4 atorunnaarpoq.

12. § 26 l, imm. 1 ima oqaasertaqartinneqassaaq:

” **§ 26 l.** Biskoppip aalajangissavaa provstitut imaluunniit domprovstitut atorfimmut kina atorfinitsinneqassanersoq.”

13. § 26 m, imm. 1 ima oqaasertaqartinneqassaaq:

” **§ 26 m.** Biskoppi Kalaallit Nunaanni ilagiit ataanni anersaakkut sulisunut allaffeqarfinnilu sulisunut atorfiit pilersinnissaat atorunnaarsinnissaallu pillugit aalajangiissaaq.”

Inatsisartut inatsisaat ulloq 1. januar 2027 atuutsinneqalissaaq.

Kalaallit Nunaanni Namminersorlutik Oqartussat, ulloq xx. xxx 2026

Naalakkersuisut Siulittaasuat